

**Bidezidor kiroleko
argazkiak eta
kronikatxoak 2**



Zestoa-Iraeta-Ibañarrieta-Zumaia



**Txiki-txikitik harriak jasz
Ibañarrieta auzoan,
harri handitan izan genuen
hoberena luzaroan.**

**Boxeolari bihurtu zuten
ona izango zelakoan,
gizagaixoa eroriko zen
iruzurren erasoan.**



Irun-Hirugurutzeta-Fikoba



**Hirugurutzen entzun omen zen
garai batean latina,
meategiak kolore iluna
zerua, berriz, urdina.
Beruna eta zilar ugari
baina geroan burdina,
meatzaria lehertu zuten
eta berdin ikazkina.**



Billabona-Amasa-Txertota-Andoain

<p>Zeru garbia zoragarria baina lurrean lokatza, hirurogeita lagun baginen poliki-poliki martxa. Halakoetan zenbaitek badu oso mintzo aberatsa, belardietan ardiak eta haien ondoan bildotsa.</p>	<p>Heldu gazteok koloredunak irrikan gara ibiltzeko, bide honetan ba ote dugu arriskurik amiltzeko? Sorginen Zubi ondo-ondoan agindu edo antzeko, ezar gaitezen ordenaturik argazkia ateratzeko.</p>	<p>Maisu gisara erantzungo dut “hor da Sorginen Zubia”, ibilbidean irakasgaia gaur Euskal Mitologia. “Basajaun hori Baztan aldean Anboton Dama Maria, jentilak dira han Eratsunen finkatzen iruinarrria”.</p>
--	---	--





Abaltzisketa-Larraitz-Gaintza-Altzagarate-Altzaga

**Gaurkoan Ortzi haserre dugu
gainezka dira errekak,
aterpearen beroa hartzea
agintzen du geldiketak.
Salda, haragi eta lukainka
baserriko nahasketak,
Nor nor ote da bertso saioaz
hasi dira lehiaketak.**

**Abaltzisketa Txindokipea
oso dotore bidea,
irribarretsu pozez beterik
ikusten nuen jendea.
Eguraldia lagun genuen
giroa ezin hobea,
aurpegietan sumatzen ziren
zorion eta bakea.**

**Abaltzisketa eta Larraitzen
sentitzen gara bizirik,
paisaia berde eder askoan
ez da behar botikarik.
Anbulatorio egokiena
honek ez du sortzen gaitzik,
hamaietakoa egin ondoren
jendea badoa pozik.**



Zarautz (Santa Barbara)-Getaria (San Anton)-Zarautz

**Santa Barbaran aldapan zehar
sumatzen da isilunea,
pasa ondoren mutua ere
ez da isiltzen, ordea.
San Antonetik ikuspegia
eder eta dotorea,
elkarganatzte hauek dakarte
jendearen gatzetzea.**



Pasai Donibane-Jaizkibel-Pasai Donibane

**Mendi ibilian eztabaida hau
sortu zen gure taldean,
“Paradisua non ote dago
goi edo beheko aldean” ?
Eguzki printzak ikusten ziren
gaztainondoen artean,
zuhaitz hauexek esan zidaten
“zabiltza zeru bidean” !**

**Hantxe hesia izanagatik
egin genuen aurrera,
kasu hauetan egokiena
men egitea ote da?
Aurreko batek agindu zigun
goazen Jaizkibelera!,
eta ondoren tortilla hartzera
aitona-amonen etxera!**

**“Calle única” kale bakarra
oraintsu arte herrian,
hor galtzen dena, Jainko maitea!
nola ez galdu mendian!
Nora ezean ibili eta
zer ote du memorian?
Iparrorratza eros dezalabada
galtzeko zorian.**



Zumarraga-Azkoitia

<p>Zumarragatik Azkoitiraino tarteak ez da handia, hirurogeita bat gutxiago egiten ibilaldia. Eta ondoren goxo askoa Iturriko bazkaria, damatxo hauek merezi dute txalo eta oparia.</p>	<p>Peñaflorida Konde horrekin egin gara ilustratu, irakasleak nola dizkigun ezaugarriak markatu! Lehen unean talde osoa azken orduan bi katu, aukera hori galdu izana sekula ez da barkatu!</p>
--	--



<p><u>Ibilbideen paisaiak</u></p> <p>Hondarribitik Ondarroara begira itsasbazterrak! , Gipuzkoako herri txikiak dotore eta ederrak. Basoan aske sentitzen gara txolarre eta eperrak, ibiltaria emazkiozu natura honi eskerrak!</p>	<p><u>Gure arteko harremanak</u></p> <p>Leturiondok ibilaldian badu beti zer esanik, gaur harremanez hitz egitean dugu arrazoiz beterik. Gure arteko solasaldian: “baduzue zer eginik, adin honetan inor ez dadin geratu isolaturik”.</p>	<p><u>Euskararen erabilera</u></p> <p>Bidezidorrak zeharkatzean aukera daukagunean, ikusiko da nola dagoen euskara osasunean. Klase apartak ematen dira leku izenen aurrean, eliza, etxe eta jauregi hor Ramon hasten denean.</p>
<p><u>Kirola eta bizitza osasuntsua</u></p> <p>Mendi ibili egoki honek onura asko dakartza, oihan-aireak , garbi-garbiak, txukuntzen digu arnasa. Anbulatorio hoberik ez da hemen ez dugu zalantza, dirurik gabe egin daiteke bizimodu aberatsa.</p>	<p><u>Mendi elkarteko emakumeak</u></p> <p>Mendi elkarte honetan gara bi gizon hamaika andre, honetaz mintzo garenez dira sortzen zenbait irribarre. Emakumeak bata zilarra gehien-gehientsuak urre, eta denetan langileena Mari Karmen Zubiaurre.</p>	



Legorreta-Ibiur-Baliarrain-Ikaztegieta

<p>Hor da Txindoki zuri-zuria eguzki printzaz argia, Ibiur eder lasai askoa bake mozorroz jantzia. Mendi muinoan Orendain dago Ikusgarria herria! lokatzetatik pasa ondoren nork ote praka garbia?</p>	<p>Noiz aurkitu da orain bezala urtegia ia hutsik? goiko aldean ez da ikusten errekaxo bat besterik. Gaurko euriak ez du beteko uberka honen laurdenik, herri hauetan ez da izango zeru-malkoen beldurrik.</p>	<p>Gingildun hirukoitza omen da eliza honen leihoa, nahasia baldin badu ere estiloz da gotikoa. Urtegia gaur bete-betea eguraldi txit goxoa, nola sumatzen duen jendeak eguzkiaren beroa!</p>
---	---	--



Legorreta-Ibiur-Baliarrain-Ikaztegieta (Ibiur urtegia ongi hornitua)

<u>Batzordekideak</u>	<u>Batzordekideak</u>	<u>Batzordekideak</u>
<p>Nola daraman <i>zenbatzaileak</i> zorrozki aseguru, hori primeran dagoke baina ez badu galtzen burua. Beste <i>norbaitek</i> ibiltariak koloretan banandua, <i>hirugarrena</i> hor ariko da antolatzen otordua.</p>	<p>Auzo-lanean talde-lanean horretan datza indarra, guztia <i>bati</i> utziz gero egingo luke negarra. Aukera izan baina ezinean sufritzen da barra-barra, hau da txoria gari artean goseak egon beharra.</p>	<p><i>Bibotedunak</i> olerkiekin jendea pozten omen du, eta <i>bikote</i> arduradunak oso gustura zaintzen du. Gure aldetik nahiko genuke oker guztiak zuzendu, bertso hauekin era xumean <i>talde osoa</i> omendu.</p>



Orio-Agorregi-Iturraran-Orio

Udaberriko eguna dugu
Agorregin, Pagoetan,
eta Belenek islaturik du
bisaia ur gardenetan.
Hostoak eta lore ederrak
hemen dira adarretan,
jende guztia liluraturik
baina Ramon berriketan.



Liztorreta-Susperregi-Urdaburu-Liztorreta

Urdaburu mendiko basoa zeharkatzen

**Pagadi eta goroldioa
orbela ere tartean,
mendizaleok sherpen antzera
ilaran edo katean.
Basajaun eta jentilak zeuden
gordeta zuhaitz artean,
iratxo eta lamiak ere
zetozen talde atzean**

**Toki gutxitan ikusi duzu
hemen ikusten duguna,
orbel goxoa oinetan eta
pago lirain hostoduna.
Jendea pozik basoan zehar
ederra baita eguna
edertasuna areagotuz
pelotoi koloreduna.**



Herrera-mendiola-ulia-donostia

<p>Aldapa gora egokia da erabiltzea makila, gure artean ez baita inor ez neskatxa ez mutila. Mendiolara gaurko honetan bildu zaigu jende pila, hogeita hamasei ibiltariok osatu dugu kuadrila.</p>	<p>Ibilaldira ez da etorri hamahiru lagun besterik, baina paisaia ikusgarriaz jendea pozez beterik. Gora eta behera egin ondoren bazen gurean goserik, olibak, pastak eta tortilla ba al da gauza hoberik.</p>	<p>Tarteka euri eta ateri bagoaz mendian gora, noizean behinka gozaten dugu begiratuz itsasora. Zein ongi gauden! Zer zori dugun! etortzen zaigu gogora, goza dezagun une honetan itxaron gabe gerora!</p>
---	---	---

Mandubia-Kizkitza-Osinalde-Antigua baseliza-Zumarraga (Kizkitzan eginiko argazkia)



Ezkioko bidegurutzean

**Blai-blai eginda utzi gintuen
etengabeko euriak,
ibai-errekak gainezka ziren
goi-menditik etorriak.
Baso erdian lainoa eta
paisaia izugarriak,
hemendik jaurti ote zituen
Tartalok iruinarriak?**

**Egun beroan zer goxoa den
pago arteko airea,
mendi muintotik ikus daiteke
paisaia paregabea.
Aizkorri aitzin Txindoki gibel
beste guztia berdea,
eguzkiari gaur zor diogu
jendearen umorea.**



La Antigua Elizako Ama Birjina

Ibilbide berbera

Zumarragako tren geltokian
mundu guztia korrika,
izerditan blai berdin zetozen
Itziar edo Nikita.
Bi arduradun besoak altxa
prakak erdi irekita,
“bi segundotan tramankulua
abiadan da jarrita” !

Ibilbide berbera

Gero barruan irakurri zen
Idazki ondo zaindua,
“gizon xumeak gakoaz zeukan
Mendiola txukundua”.
Pertsona hauek Isil-isilik
Konpontzen dute mundua,
eta olerki hau idazteko
eduki behar burua!



Antigua kanpoaldean eta bazkal aurreko unea



Behi taldea ibiltarioi begiak gaintik atera gabe



San Martin-San Gregorio-San Martin-Lazkao (Ramonen azalpenak entzuten Saran)



**Barandiaran, On Joxe Miel
txapela eta sotana,
Euskal Herriak eman al dizu
merezi zenuen fama?
Helduen Hitzako ibiltariok
etorririk zuregana,
Sara etxean aritu gara
goraipatzen zure lana.**

**On Joxe Miel dugu gogoan
leku hauetan ibiltzen,
Jentil Baratzen, haitzuloetan
Kaska-hezurak ikertzen.
Orrialde bat idatzi gabe
ez zen inoiz oheratzen,
bizi osoa pasa baitzuen
ondarea aberasten.**



Igeldo-Txakurtegia-Orio ibilbideko ur-jauziaren ondoan



Igeldo-Txakurtegia-Orio

<p>Senderismoko ibilaldian ostiralero jarria, aukera dugu ezagutzeko astiro Euskal Herria. Gaurko honetan bero handia sekulako egarria, ba ote dago utzi ez duenik edalontzia garbia?</p>	<p>Gora eta behera ibilaldian taldea dugu sendoa, harriak bistaz galdu gaberik Oriorantz jaitsiz doa. Une batean geldialdia edateko ur tragoa, dakidan batek edango luke gusturago sagardoa.</p>	<p>Nahiz eta gora-behera handiak jendea dabil arina, hiztun guztiok eta goxoa belardiaren usaina. Azken orduan euria baina bost axola, alajaina! Mariatxiak kantuan plazan gaurkoa egun bikaina.</p>
--	---	---



Irun-Amute-Santiagotxo-Hondarribia



<p>Santiagotik Guadalupera biboteduna beteta, bero handia baina itzalean izan genuen oreka. Jende guztia blai izerditan eta ni, berriz, herrenka, ba ote dago inguruetan benetan hainbat erreka?</p>	<p>Noiz izango gizona emakumeen adina? Non ote dauka ezkutaturik arterako jakin-mina? Jaizkibeleko magal honetan andrea dabil arina, gizona. aldiz, tabernetan prest edateko txakolina.</p>	<p>Erabakia hartu beharra non ote da Ardora? ezkerrekoa hartu ondoren iritsi gara farora. Hamaiketako honetan, behintzat, gutxik joko du ardora, hezetasunak izerditurik gehiengook sagardora.</p>
---	--	---

<p>Lauzpabost trago sagardo hartuz eraginik egarriak, gustura baina urdailarentzat izan ziren mingarriak.</p>	<p>Bertsozaleak jende artean igaro ditu gorriak, autobusean zorabiatu nolako une larriak!</p>
--	--





Orio-Txurruka-Kanpina-Mollarri-Zarautz



Mollarriko ikuspegian

<p>Gaurko honetan izango dugu abiapuntu Orio, arduradunok jarriko gara jendearekin serio. Ibiltarion kuadrilari femenismoa dario, kezkarria gizonaen hutsune edo jario.</p>	<p>Ez dut pentsatzen hemen garenik bizipoza gabekoak, hala eta ere entzun dezagun zer dion psikologoak. “Sexu harreman, musika entzun ariketa fisikoak, eta jolasa omen ditugu zorionaren gakoak”.</p>	<p>Ibiltzekoan beharrezkoa zorioneko osasuna, aurpegietan sumatzen dugu ederto baikortasuna. Hankak mugitzen andre-gizonok sekulako gaitasuna, giro ederra honetan datza horrek dakar poztasuna.</p>
--	---	---



Gaintxurizketa-Jaizkibel-Pasai Donibane (Londres baserriaren inguruan)

<p>Ibiltarion buru-gogoan bai eguraldi zatarra! Iparralde eta mendebaleko haize eta euri zakarra. Emakumeak zazpi baziren eta neu gizon bakarra, Arartekoak hau ikusita egingo luke negarra.</p>	<p>Jaizkibeleko bidezidorrek badute bere ahotsa, barru-barruan ezkutaturik isiltasunaren hotsa. Horrez gainera, ikuspegia ez zait egiten arrotza, Santa Anako eliza aurrean gure bandera arrosa.</p>	<p>Uda beroan ezinbestean gorputzak behar du ura, edan duguna xurgatzea da eguzkiaren ohitura. Izerditzean ondorioa egarri eta hestura, urgabetzean ibiltarioi aldatzen zaigu itxura.</p>
---	---	--



Mendizorrotzen hegian trikuharria

**Monte Accutus (Mendizorrotza)
Monteagudo ote da?
Monte Draconis (herensugea)
gaur Arrasate omen da.
Hemen zenbaitek hartuta dauka
sasi-maisuen tankera,
piperra bildu balute hobe
beltz-talde honen antzera**

**Malda beherako ibilbidean
bagoaz Oria aldera,
Zubietako bidea itxiz
ezin heldu Lasartera.
Beltz-gazte hauek osatzen dute
iazko talde berbera,
beren herritik etorri dira
piperminak jasotzera.**



Trintxerpe-Mendiola-Ulia-Donostia (Gotorleku Zaharreko inguruan eta Platako faroa)





Uliako aterpean taldea

<p>Ulia aldean zuen taldeak ikusi hainbat landare, Plata faroa, itsas aparra zuhaitzen hainbat kolore. Barne-barnetik atera eta diosala zein dotore, makilak altxa gurutzatuaz gazteriarri ohore.</p>	<p>Mendiolako tarte honetan sumatzen da hutsunea, salatariak esan omen du “bete behar da legea”. Ezkutaturik zegoen plakak egiten zion kaltea? noiz izango da abertzalea bere herriko jabea?</p>	<p>Mendiola,Ulia,Jaizkibel paisaia da antzekoa, itsasoaren kolore urdina (e)ta berdea mendikoa. Aterpearen terrazan bertan dugu hamaiketakoa, txokilatezko turroi gozoa ez zen Eguberrikoa.</p>
--	---	--

Errenteria-Zamalbide-Txoritokieta-San Marko-Lau Haizeta-Altza

San Markoseko ikuspegi batean, taldea

**Aiako Haitza aurrealdean
eta Jaizkibel atzean,
giro ederra izan duguna
San Markora igotzean.
Zein ederra den gure herria
bertatik begiratzean!,
a zer txaloak jendearena
Altzatarran ordaintzean!**

**Txokolatea bila badoa
Pilartxo Elizondora,
jaki gozoa erostearren
ez baita joan edonora.
Hodei ilunez buru gainean
gaur joan gara Menditxora,
burusoildunen gorengo maila
etorri zaigu gogora.**





Haitzetako trikuharri aparta Txoritokietako bidean

Donostia-Lasarte-Urnieta



Plazaolako trenbide zaharra gune berde bihurturik

**Hogeita zazpi emakumeok
hamaika gizon alboan,
eguraldia aparta dugu
sumatzen baita giroan.
Baina prostata kexuka dabil
eta egin behar kanpoan,
sasi artean edo bestela
baserri baten ondoan.**

**Eguraldia primerakoa
giroa ezin hobea,
bonboiak eta galletak janda
omendu dugu "Pibea".
Sagardo hotzak izozten baitu
tripazorroko labea,
andrea zurbil bihurtu zaigu
zorabioen jabea.**

